



Directivas davart la finanziaziun speziala "sport" concernent contribuziuns a la participaziun da delegaziuns da federaziuns grischunas da sport ad occurrenzas da sport interchantunalas ed internaziunalas

Sa basond sin l'art. 31 lit. a da l'ordinaziun davart la promoziun dal sport e dal moviment (ordinaziun da promoziun dal sport) dals 7 da fanadur 2015,

relaschadas dal departament d'educaziun, cultura e protecziun da l'ambient ils 19 d'avust 2015

Art. 1 Pajaments da contribuziuns

¹ Contribuziuns pon vegnir pajadas a favur da la participaziun da delegaziuns da federaziuns grischunas da sport a las occurrenzas da sport da la ARGE ALP.

Art. 2 Inoltraziun e tractament da las dumondas a) adressat

¹ Las dumondas ed ils documents per survegnir contribuziuns ston vegnir inoltrads al post ch'è inditgà sin il formular da dumonda correspondent.

Art. 3 b) agiuntas

¹ A la dumonda ston vegnir agiuntads ils suandants documents:

- a) formular da dumonda;
- b) glista dals custs da la delegaziun.

Art. 4 c) termin d'inoltraziun

¹ Las dumondas per survegnir contribuziuns ston vegnir inoltradas avant che l'occurrenza ha gi lieu.

² Dumondas inoltradas memia tard na vegnan betg tractadas.

Art. 5 d) decisiun davart contribuziuns

¹ Davart la concessiun da contribuziuns fin 50 000 francs decida il departament d'educaziun, cultura e protecziun da l'ambient a maun dals custs imputabels.

² Davart la concessiun da contribuziuns da passa 50 000 francs decida la regenza a maun dals custs imputabels.

³ La concessiun da contribuziuns vegn communitgada en scrit directamain a las petentas ed als petents.

Art. 6 e) calculaziun da las contribuziuns

¹ Las suandantas expensas vegnan indemnisadas a las participantas ed als participants:

- a) custs da viadi (la varianta la pli favuraivla vala);
- b) 50 % dals custs per l'alloschi e per l'alimentaziun;
- c) ina pauschala da spensas da 100 francs per di per la manadra u il manader da la delegaziun sco er per las assistentas ed ils assistents.

Art. 7 f) documents da rendaquint

¹ Suenter l'occorrenza ston vegnir inoltrads ils suandants documents:

- a) rendaquint;
- b) quittanzas;
- c) cedel da pajament.

Art. 8 g) examinaziun dals documents da rendaquint / fixaziun definitiva e pajament da la contribuziun

¹ Il rendaquint vegn controllà da l'uffizi per la scola populara ed il sport.

² La contribuziun vegn fixada definitivamain e pajada sin fundament dal rendaquint.

Art. 9 h) scadenza da la garanzia da survegnir contribuziuns

¹ La contribuziun garantida da la finanziaziun speziala "sport" scada 2 onns suenter ch'ella è vegnida concedida.

Art. 10 Recurs

¹ Cunter las decisiuns dal departament poi vegnir fatg recurs tar la dretgira administrativa dal chantun Grischun, Obere Plessurstrasse 1, 7000 Cuir, e quai entaifer 30 dis dapi la comunicaziun da la decisiun contestada.